

Конкурс за софинансованє младежских проєктох у рускей заєдніци

Кед маш идею як унапредзиц дацо у твоім краю, як ришиц даяки проблем, витвориц потребу хтору ма твоя заєдніца, лебо єдноставно обдумаш добри способ на хтори ти и екипа препровадзице шлебодни час, вец конкурс за младежски проєкти у рускей заєдніци права ствар за тебе!

Роботне цело за младеж, хторе основал Национални совет Руснацох, то ґрупа активних, искусних и младих особох з розличних местох, хтора ту же би потримала активне уключованє младих до дружтвеного и културного живота рускей заєдніци. Наш перши крочай то розписованє конкурсу преїґ хторого можеце достац потримовку у реализованю ваших идейох.

Хто?

Ти и твоя екипа, дружтво з класи, пайташе, колеґове, културно-уметніцке дружтво, невладове здруженє, лебо було хто за кого думаш же би сцел/а допринєсц рижнородносци активносцох при младих. Условие же би сце мали од 15 по 35 роки, же би вас було найменей тройо, та же би ваш проєкт бул унапрямени на руску заєдніцу и младих у нєй. Теди поставаце тим хтори ше може приявиц на конкурс.

Цо?

Ваша идея може буц гоч цо, важне же бисце ю реализовали и орґанизовали праве ВИ, а з нашу потримовку зоз софинансованьом и добродзечнима советами. Теми виберце сами, але би найлєпше було кед би проєкти були зоз шлїдюючих обласцох:

- Култура (вистави, промоції, трибини, вечари поезиї або прози, концерти и подобне)
- Розвага и шлебодни час (вечари дружтвених бавискох, креативни роботні, волонтиранє, акції чисценя, або други квалитетни змисти за препровадзованє шлебодного часу)
- Информованє (активносци з хторима сцеце поинформовац младих о важних стварох, квалитетни и забавни змисти за младих и подобне)
- Неформална едукация (дзвиганє екологийней свидомосци, безпечносц, явни розправи, роботні, трибини и подобни едукації хтора не спадаю до формалного образования)

Приява и реализованє проєктох

Конкурс отворени по 1. април. После препатрунку приявох хтори сцигну, будземе контактовац представительоох проєктох же би нам детальнєйше виложели свойо идеї. Проєкти плануїце так же би вашо активносци були закончени по 15. децембер 2017. року.

Як ше приявиц?

У прилогу маце приявни формулар хтори треба пополніц и послац у електронскей форми на адресу rcmladez@gmail.com, лебо у писаней форми на адресу Национального совету: Фрушкогорска 64, 25233 Руски Керестур.

Други правила конкурсу

Кажди проект треба же би бул приявени спред даедного формалного здруженя, културно-уметніцкого дружтва (КУД), лебо невладовой організації (НВО). Єдно формалне здруженє, КУД, або НВО можу приявиц **найвецей два проекти** по конкурсним термину.

Кажди проект муши мац главного и одвичательного ношителя/ку и ище найменей два особи котри буду учашніки/ци у організації проекту. Єдна особа шме приявиц єден проект по конкурсним термину.

Потримуєме неформални групи младих же би пренашли формалне здруженє, КУД, або НВО, преїг хторого приявя свою идею, а кед же су то не у можлівосци, ришенє пренайдземе у розгварки после препатрунку приявох.

За вецей інформації пишце нам на адресу rcmladez@gmail.com (у наслову назначиц „За младежски проекти у рускей заедніци“).